

**Aningaasaqarnermut Ataatsimiititaliap suliaq nr. 01.31.06/08-0034 6 pillugu tallimangornermi ulloq 27. juni 2008-mi aalajangiinera pillugu Naalakkersuisunut ilisimatitsineq.**

(Naalakkersuisut siulittaasuata ulloq 25. juni 2008-mi aalajangiinerani nr. 309)

**Akissarsisitsisarneq**

Naalakkersuisut inassutigaa,

- kontomi pingaarnermi 20.30.05-imi, Nutaaliornermut pilersaarutinullu tunngasumi, aningaasaliissutit 2008-mi 3.900.000 kr.-inik amerlineqassasut, aamma
- kontomi pingaarnermi 20.30.01-imi, Aningaasaqarnermut Sulisunullu Aqutsisoqarfimmut tunngasumi, aningaasaliissutit 2008-mi 500.000 kr.-inik ikilineqassasut.
- kontomi pingaarnermi 20.30.02-mi, Ilinniaqqinnernut aningaasanut tunngasumi, aningaasaliissutit 2008-mi 200.000 kr.-inik ikilineqassasut.
- kontomi pingaarnermi 20.05.31-imi, Kommunit aningaasartuuteqarnerunissaannut sillimmatinut tunngasumi, aningaasaliissutit 2008-mi 3.200.000 kr.-inik ikilineqassa sut.

**Aningaasaqarnermut Ataatsimiititaliap oqaaseqaatai**

Akissarsialereriaatsimik ataatsimoortumik, Namminersornerullutik Oqartussani aammalu kommunini akissarsisitsisarnermi atorineqarsinnaasumik, pilersitsinissamut 3,9 mio. kr.-inik ilassutitut aningaasaliissuteqarnissaq Naalakkersuisut suliami matumani qinnutigaa. Qarasa asiakkut akissarsialereriaaseq 7,5 mio. kr.-inik akeqartussatut naatsorsuutigineqarpoq, taamaattumillu aningaasat sinneri kontonit pingaarnernit allanit nuussinikkut aammalu kommuninit pissarsiariniarneqarput.

Qinnuteqaat matumani pineqartutut ittoq Aningaasaqarnermut Ataatsimiititaliamit nalinginna asumik akuersissutigineqarsinnaasimassanngikkaluarpoq, tassa aningaasaliissuteqarnissamik qinnuteqaatit siumut naatsorsuutigineqarsinnaanngitsunut tunngasuunissaannik missingersuusiornermut inatsimmi piumasaqaammut aningaasaliissuteqarnissami siunertaq naapertuutinnngitsutut isigineqartariaqarmat. Kommuninilli iluarsaaqqinnerup toqqaannartumik nassatarisaanik piumasaqaatit akissarsialereriaatsip atuuttup naammassisinnaanngikkai qinnuteqaammi allassimavoq. Taamaalillunilu kommuninik iluarsaaqqinnerup 1. januar 2009-mi atuutilernerata kingorna ilaatigut akissarsianik automatiskimik tunniussisarneq akissarsialereriaatsit atuuttut naammassisinnaanngilaat.

Taamaalillunilu aningaasaliissutinik qaffaanissaq qinnuteqaammi pineqartoq kommuninik iluarsaaqqinnissap akuersissutigineqarnerani IT-mut aningaasartuutaanerussutissat siumut naatsorsuutigineqarsimannngitsut ilagisaattutisigineqartariaqarpoq. Kommuninik iluarsaaqqinnissap pilersaaruserneqarneranut atatillugu aningaasaliissuteqarnissamik pisariaqartitsinerit taakku Naalakkersuisunit annertunerusumik siumut naatsorsuutigineqarsinnaasimannnginnerat ataatsimiititaliamit assut tupigusuutigineqarput, allaallumi kangunartutut taaneqarsinnaasorinarlutik. Tassunga atatillugu Akileraatarnermut Aqutsisoqarfimmi IT-mut aqqissuussinerit nutaat pillugit suliami 08-324-imi aammalu Attaveqarnermut, Avatangiisinut Aatsitassanullu Naalakkersuisoqarfimmi IT-mut aqqissuussineq NIN pillugu suliami 08-333-mi aalajangiussani ataatsimiititaliap innersuussutigissavai. Aalajangiinernut taakkununga atatillugu Nammine rsornerullutik Oqartussat IT-mut tunngasumik sullississutinik pisiortornerisa aqunneqarnissaa ersarilluinnartumik pisariaqartinneqartoq ataatsimiititaliap oqaatigaa.

Tassunga atatillugu ataatsimiititaliamit neriutiginearpoq kommuninik iluarsaaqqinnermut atatillugu IT-mut aaqqissuussinernik annertusaanissat taarsersuinissalluunniit allat pisariaqartinneqassanngitsut.

Taamaattumillu IT-mut tunngasumik suliniut matumani pineqartoq tamakkiisumik qulaajaav igineqarlunilu piareersarneqarsimassasoq ataatsimiititaliamit eraserilluinnartumik naatsorsuutiginearpoq ataatsimiititaliap erseqqissassavaa, taamaaliornikkut kinguaattoorsinnaaneq aningaasaliissutinilluunniit sippuisinnaaneq sapinngisamik minnerpaaffissaaniissinnaaqullugit. Taamaattumillu akissarsialereriaatsimik pisinissamut aningaasaliissutit, naatsorsuutigisat akimorlugit, naammangitsut paasinarsissagaluarpat, taman na pitsaalluinnartumik nassuiaatissartaqartariaqassasoq ataatsimiititaliamit erseqqissaatiginearpoq. Taamatuttaaq akissarsialereriaatsip ingerlanneqarneranut aningaasartuutit aningaasaliissutit attuuttut iluiniissinnaassasut naatsorsuutiginearluinnarpoq. Akissarsialereriaatsimi nutaami atortulersuutit amerlanerusut nutaalluunniit ilanngunneqarnissaat kissaatiginearpoq, taakku pilersinneqarnerannut ingerlanneqarnerannullu aningaasartuutit aningaasaliissutaareersut iluini aningaasartuutiginearpoq.

Kiisalu oqaatiginearpoq missingersuutitut ilanngussaq nassiunneqartoq paasissutissiinerus umasinnaagaluartoq. Tamatumani minnerunngitsumik kontomut pingaarnermut 20.05.31-imut, Kommunini aningaasartuutaanerusussanut immikkoortitanut tunngasumut, missingersuutitut ilanngussaq. Konto pingaarneq taaneqartoq tamakkiisumik 8,7 mio. kr.-inik aningaasaliissutitaqartoq, kontomi pingaarnermi atuinikinnerunissamik naatsorsuutiginninneq kisiat nassuiaatigalugu 3,2 mio. kr.-inik ikililivigineqassasoq siunnersuutiginearpoq. Nassuiaat taama amigartiginera naammaginangilaq. Taamaattumillu missingersuutitut ilanngussaq nutaaq tamakkiisuusoq ataatsimiititaliamit qinnutiginearpoq.

### **Aningaasaqarnermut Ataatsimiititaliap aalajangiinera**

Kantomut pingaarnermut 20.05.31-imut, Kommunini aningaasartuutaanerusussanut immikkoortitanut tunngasumut, missingersuutitut ilanngussamik iluarsisamik Naalakkersuisut kingusinnerpaamik 1. august 2008-mi kalaallisut danskisullu ataatsimiititaliap allattaanut kiisalu qarasaasiakkut uunga: [nch@gh.gl](mailto:nch@gh.gl), nassiussinissaat **tunngavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuersissutiginearpoq**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua